

رجب ۱۳۴۳

دینی، علمی، ادبی، اجتماعی

جلد : ۵

عدد : ۵۶

مرکز توزیع:
باب عالی، چاده سنده
(اتحاد تجارت)
کتابخانه سی ابله
(یکی نورکيه)
مطبعه سی

اداره خانه سی:
باب عالیده
(یکی نورکيه)
مطبعه سی فوقنده کی
داثره مخصوصه

مجموعه اسلامی

دفتر القعه
۳۳۸

شرائط اشترا :

صاحبی ، مدیری ، محرومی :

شرائط تحرير :

هرسته نك برنجی وایکجی آلتی آیلغندن اعتباراً آتونه قید اولونور.
سنه لکی : اون ایکی نسخه اولق اوزره پوسته اجرتهله برا.
(۱۰۰) ، آلتی آیلغی : (۵۰) غروشدور . ممالك اجنیهه اچین
۱۰ و ۲۰ غروش علاوه سی لازمدر .



اسلامك نفعته خادم یازیلر مع التشر قبول ونشر اولونور . یازانك
شخصیتی دکل، یازینك ماهیتی نظردفته آلتیر . کونده دیله جك آتار
اوقوناقلی ومختصرجه یازیلر اولالیدور . کن یازیلردن شایان قبول
کورولنار تاویج صیراسیله درج ایدیلیر .

شیء اصابت ایدر « شیمدی شوراده اصابت ایدم جک شیء ؛ عیجا عذاب دنیویء معجمیدر ، یوقسه مؤجلمیدر؟ بوجهت مہمدرکہ اشبو ابہامی، شو حقیقتی تفصیلاً ناطق اولان ینہ بو سورہ نك (المؤمنون) آخرنده کی (فلما نرینک بعض الذی نعدہم اونتوفینک فالینا یرجعون) آیت جلیلہ سی تفسیر وایضاح ایدیور . چونکہ: بو آیتدہ بویورولو- یوزرکہ « حییم ! بن، آنلرہ وعدہ ایتدیکم عذابک آنلرہ فعلاً اصابت ایتدیکنی یاسنک صاغلغکده سکا کوستیریم، یاخود سنی جانب احدیتہ چکوب امانتہ ایله دکن صوکر آنلری تعذیب و تنکیل ایدرم . چونکہ آنلرک انجائی بکار جوعلری محققدر « شو حالده بو آیتک شق اولی، آیت اولایی تفسیر و ایضاح ایدم رک کندیسندن مقصودک عذاب دنیوی اولدیغنی کوستیریور .

ایکنجی نمونہ - (فصل لربک وانحر) آتی (ان صلاتی ونسکی ومحیای ومماتی) آیتیلہ تفسیر وایضاح اولونویور . شویله کہ : اولکی آیتدہ کی (صل) امرندن عیجا دعا معناسنه اولان صلاتی مراددر ، یوقسه بیلدیکمز نمازمیدر؟ بوراسی مبہم قالیور . لکن ایکنجی آیتدہ کی (نسک) قرینہ سیلہ صلاتدن مرادک بایرام نمازی اولدیغنی تعین ایدیجہ بورادده اورایہ مصروف اولمق لازم کلیور، چونکہ : قربان کسمکده مناسک و عبادات حجدن بر جزء بولونویور . اوچنجی نمونہ - (یریدالذین یتبعون الشہوات ان تمیلوا میلاً عظیماً) یعنی « شہواتہ اتباع ایدنلر، سزک طریق حقدن عظیم بر صورتدہ میل وانحرا- فکزی آرزو ایدرلر » . شیمدی شو آیتدہ کی (آرزو ایدنلر) ک کیملردن عبارت اولدیغنی مبہم قالیور سده دیکر آیتدہ (الم تر الی الذین اوتوا نصیباً من الکتاب یشترون الضلاله و یریدون ان تضلوا السیل) یعنی « حییم! کتاب اللہدن نصیبی اولان

اهل کتابی کورمه دکمی کہ آنلر، ہدایتی ضلالہ دہ کیشیورلر و سزکده سیل ہدایتی غیب ایدرک ضالاندہ قالما کزی آرزو ایدیورلر » بویورولارق برنجی آیتدہ کی (آرزو ایدنلر) ک اهل کتاب اولدیغنی تعین وایضاح ایدیلیور . بردہ عصاة مسلمینک کندی ایچلرنده کی صالحلرک ضلال و فجورده قالالری آرزو ایتہ یہ جکلرندن بوده توضیح مقصدہ تقویہ صورتیلہ خادم اولاجقندہ شہہ یوقدر . داها بر تقویہ قرینہ سی واردرکہ اودہ آرزو ایدنلرک غائب ضمیریلہ ، مائلینک ایسہ خطاب صیغہ سیلہ ایراد اولونوشیدر . بر آرزو دوشونلر حصہ مند اولورلر . دارالفنون الہیات فاکولتہ سی تفسیر و تاریخ تفسیر مدرسی بر غمہ لی مہودت

أرضک صوڪ کونی

علم وعرفانلہ مجهز بولندیغنه و بر جوق شیلر بیلدیکنه مغرور اولان بشریت، نہایت اون بیک سنہ لک اولکی زمانلرہ عائد حادثاتدن ویا وقایعدن معلوماتدار بولنہ بیللمکده در . ایکنیدہ بردہ؛ کچمش بیوک وقایعدن بحث ایدرکن مصرک اہراملری، چینک سد کیری، آتوریلرک ابکم واسرار انکیز معبدلری، ہندک پک اسکی یاغودلری، مکسیقانک صنملری، اجداد مزک طاش بیاقلری، بالطلہلری، مزر اقلری تعداد ایدرز و بونلرلہ نوعا غرور لایرز! فقط ہیہات؛ بونلردرت بش بیک ایلہ اون بیک ونادر آیکرمی بیک سنہ اولندن دہا اسکی بر تاریخہ مالک دکلردر . حتی یوز بیک سنہ اولسون! حالبوکہ دورہ ابتدائیلہ قدر اولان مدتی یکریمی میلیون سنہ تعداد ایتکمدیز . کریدہ قالان ۱۹,۹۰۰,۰۰۰ سنہ لک زمانہ عائد وقایع ارضیہ نہ اولدی؟ اسرار انکیز حادثاتہ معروض قالدیغنه، اوزرندہ خاطر و خیالہ کلمز وقایعدن بیکر جہ سنک کلوب کچدیکنه ہیچ شہہ اولیان سیارہ مزک بو

بابده کی صحائف تاریخه سنی سزه کیم اوقویاجق ؟
 نهوت.. هب عدم معلومات، هب زیاده مجهولی و
 معمالی حادثات! ایشته بشرک بوقدر بوبورلندیکی
 قدرت وغرورلاندینی قوت دأما هب بویله «محکوم
 اسرار طبیعت در !»

عجبا ارضی طوغوران وسینه سنده بسله بن
 کونشمزک بر سحابیه حالنده اولارق فضانک دخان
 عمومیسندن آریلماسی [سورة فصلت . آیت ۱۱]
 [ثم استوی الى السماء وهي دخان...] نه قدر عصر
 اول وقوعبولمشدر؟ وکذا نه قدر عصر صکره
 شیمدیکی شمسز تشکل ایده بیلمشدر؟ ونه قدر مدت
 دها نشر ضیا ایده بیله جکدر؟... برنجی سؤاله جواباً
 بعض ریاضیونک ارأه ایلدکری پک بیوک بررقی
 قارئنه بز دخی سویلیه بیلیر ایدیسه کده، بونک
 صحتی حقتنده کی قناعتمز اودرجه ده صاغلام اولمادیغندن
 قطعی اولارق او بیوک عددک مسئولیتی درعهده
 ایده مدک. ایکنجی سؤاله دخی یوقاریده کی کبی صاغلام
 اوله رق بر شی سویلیه مز ایسه کده اوچنجی سؤاله
 اولدقچه قطعی رقلر ارأه ایده بیلیرز. چونکه: بو
 صکره کنده کی حسابات؛ بر طاقم تجارب وحادثات
 طبیعییه استناد ایتدیریله بیلمشدر !

خبر ویرهلمکه؛ بو مدت چوق دکلدرد. آنجق
 ۲۰: ۲۲ میلیون سنه قدر بر شیدر. یعنی شمسزک
 دها اول عمرینه خاتمه چکلمزسه بوقدر سنه صکره
 ضیا وحرارتی غائب ایده جک و قطر نصف درجه ده
 کوچوله رک بویوک برسیاره حالنه کچه جکدر. ارضمه
 کانبجه، شمس قدر عمری بولمادینی، بناء علیه دها
 اول مقدراتنی ادراک ایلیه جکی شبهه سزدر؛ یعنی
 بوقدر قدمه مالک اولان ارض، عجبا هب بویله
 یشیل چایرلقره، فوق العاده کوزل منظره لره، بر
 ادای مخصوص ایله اوچوشان قوشلره مالک
 اوله رق الی نهایت دوام ایده جکیمیدر؟ بوسؤاله منی
 اوله رق جواب ویره جکز ! مادام که :

«ارض طوغمشدر؛ البته برکون بوله جکدر»

او وقت اوزرنده هیچ بر ذیروح، هیچ بریشیلمک،
 هیچ بر نبات و آغاج وحتی هیچ بر مخلوق بولنمایاجق،
 ومیلیونلرجه عصرلق تاریخه مالک بولنان سیاره مز،
 آوروپالیرک ظنلری خلافتنه اوله رق بر آنده یوق
 اوله جقدر. بو حال ایسه؛ مصادمه در .

مصادمه دیدک! نهوت؛ مصادمه. هم یوق،
 همده تکرار وار اولق ایچون ایکی وجهلی بر معما،
 بر قوت وبر واسطه در. بناء علیه بزده ارضک
 صوک کونی، وصور وقوعیه سی حقتنده براز تعمیق
 کیفیت ایدلم: بوبخته باشلامادن اول عرض ایدلم که
 ارضک صوک کونی ایله بشریتک انقراض کاملی
 آره سنده پک بیوک فرقلر بولمقله برابر بز بوراده
 هر ایکسینی بر معناده قوللانه جقز. زیرا آشاغیده
 ذکر ایلدیکز آیات کریمه نک اخباراتندن پک کوزل
 آکلاشلقمقده درکه قیامت دنیلن حادثه عظماء، یعنی
 ارضک بشقه سیله بالمصادمه تومسی و طولایسیله
 بشریتک وبالجمله مخلوقاتک دخی دفعه محو وهلاک
 اولماسی بر آنده وقوعبوله جقدر !

دیلمکه که ارض، کندی کندی نه توننجیه قدر
 بر عمر طبیعی کچیرمیه جک وفضاده امثالی نادرآندن
 اولیان مصادمه ایله وقتندن اول پارچه لانه جق
 وسحاب مضی حالنه کچه جکدر .

بو بابده کی آیات کریمه دن خبردار بولنپان
 اوروپالیر ایسه بالطبع ارضک صوک کونی ایله
 بشریتک انقراض کلیسینی بربرندن آیرمقده درلرکه
 آنلر بو ظنلرنده حقلیدرلر ! زیرا هر هانکی بر
 حادثه ایله سطح ارضده تک بر انسان قالمدینی حالد
 ارض؛ کافی السابق هر درلو فعالیتیه دوام ایده بیلیر!
 یعنی هر هانکیسی اولورسه اولسون بروجه آتی

احتمالاتك ظهورنده بشریت تام معناسیله دفعه
اورته دن قالدو و تعیر شرعیسیله حضور رب العالمینده
حساب ویرر . مابعدی وار

خریطه دائره سی نیرکی شعبه سی مدیری

ارکان حرب میرآلای

عبدالرحمن

تصحیح : کچن نسخه ده و ۱۲۰ نجی صحیفه نك
۱۵ نجی سطرنده کی (مواد فیه) ترکیبی (مواد
فردیه) و ۱۹ نجی سطرنده کی (+) اشارتی (X)
اولاجقدی.

اعظم واصغر نامتناهی

قدماء کائناتک بیوکلکی حقنده بر فکر ویره بیلیمک
ایچون ؛ برجسمک سمان ارضه طقوز کون ،
طقوز کیجهده سقوط ایده جکنی سویله مشدی .
شوموهم ارتفاعک ارضمه اک یاقین اولان قمرک
مسافه سنی تشکیل ایده میه جکنی قولایلقه حساب
ایده بیلیرز . یاریم عصر دنبری هیئتشناسلرک کمال
موفقیته اجرا ایتدکری تدقیقات سایه سنده سمانک
وسعتی حقنده معلوما تمز تزايد ایتدی : بوکون
بیلیورز که هر ییلدیز بر کونشدر . سیاره مزه
اک قریب اولاننک مسافه سنی ضیا سرعتیه - ثابته ده
اوج یوز بیک کیلومتر - درت سنه اوج ایده
قطع ایدر . ینه بیلورز که کونش ارضدن بر میلیون
اوج یوز بیک کره بیوکلر . براق یاز کیجه لرنده
نظر مزه چاربان نجوم زاهره دن بردانه سنی ، مثلاً
(شیلیاق) جمله کوکیه سنده کی (نسر الواقع)
کوکنی انتخاب ایده لم . بوییلدیز بزدن ۲۳۷ تریلیون
کیلومتروده (یعنی ضیانک ۲۵ سنه ده قطع
ایتدیکی مسافه ده) بولنور . فکر آ بومسافیه
واصل اوله بیلیرمی یز ؟ .. بلکه .. اویله ایسه عینی
استقامته ده اوزاغه کیدم . بو اوافق (شیلیاق)
جمله کوکیه سنه باقالم :

فلکیونک (به تا) و (غامما) تسمیه ایتدکری
ایکی ییلدیز آره سنده تهله سقوب ایله حلقوی
برسحابیه مشاهده اولونور که نسر الواقع دن عظیم
بر مسافه ده و حال تکونده اولان بر منظومه در .
براز ایلریده نظریمز ، دیگر برسحابیه ، ده
طوغروسی بر ییلدیز کومه سنه چاربار . بوکونش
بیغیننده فوطوغرافی واسطه سیله اوتوز بش بیک
ییلدیز تعداد اولونمشدر . یا بزه اولان مسافه سی ؟
۹۴۶ قاتریلیون ، یعنی ضیانک یوز بیک سنه ده
قطع ایتدیکی مسافه ! قطری ایسه کهکشانکی
ایله قابل قیاسدر . ایشته دیگر بر عالم ...

نسر الواقع دن اعتبار آ و (شیلیاق) سحابیه سندن
کچرک میلیار لرحه کیلومترویی فکر آ قطع ایده لم .
یولمزک اوزرنده محو اولمش عالمده ، اجرام مزارق لرینه
تصادف ایلرز . فقط بی حدود مسافات بر برینی
تعقیب ایدیور ... آرتق ارض و بتون منظومه مز
کوزدن نهان اولدی ، صاری کونشمز کوزله
کوروله میه جک بر ییلدیز مرتبه سنه ایندی . فقط
نر ده یز ؟ بر آدیم بیله ایلر یله مدک ! ...
فکر بشرک ادرا کدن عاجز بولندیغی شو
مسافاته عالمده « اعظم نامتناهی » اسمنی ویرمشلردر .

اعظم نامتناهیدن بلکه فضله ذهنلریغی اشغال
ایتمی لازم کلن بر مسئله واردر که اوده « اصغر
نامتناهی » در . بیوک عالم (هازی پووانقاره) (علمک
قیعتی) نامنده کی لایموت اثرنده دیور که :
... بزسمانک نظر مزده بیو دیکنی کوردک
ولاینقطع بیومکده اولدیغی ده کوریورز . چونکه
بیلیورز که کونش ارضدن ۱۵۰ میلیون کیلومتر
مسافه ده و بزه اک قریب بولنان کواکبک بیله بزه
اولان مسافه لری بوندن یوز بیک لرحه دفعه ده
زیاده ! .. اعظم متناهی بی تماشایه آلیشمقده اصغر